

ТУРА СУЛАЙМОН

СИЗНИ ЭСЛАЙМАН

Тошкент
Гафур Ғулом номидаги Адабиёт ва санъат нашриёти
1980

ББК 84Уз
С 96

Сулаймон Тўра.

Сизни эслайман: Шеърлар. — Т.:Адабиёт ва санъат нашриёти, 1980. — 72 б.

Шоир Тўра Сулаймоннинг «Сизни эслайман» шеърий тобига сўнгги йилларда ёзилган она юрт, юртнинг алп кептари, олижаноб инсоний фазилатларини улугловчи янги шеърлар киритилди.

Сулайман Тура. Я вас вспомню... Стихи.

ББК 84Уз

С 70403 — 77
М 352 (04) — 80 59—80 4702057020

© Faafur Gulom nomidagi Adabiёт va sanъat nashriyoti, 1980 й.

www.ziyouz.com/kutubxonasi

БҮЛМАСА

Сайёralар нотинч, уммонлар нотинч
Магар ер юзида тинчлик бўлмаса.
Наслу насаб нотинч, замонлар нотинч
Магар ер юзида тинчлик бўлмаса.

Не қилсин давраю дилда шодмонлик,
Барча қитъаларда қут, фаровонлик,
Қўшинда событлик, элда омонлик
Магар ер юзида тинчлик бўлмаса.

Кўнгилга сиққайми қўш сурнай саси?
Таниб-тинчигайми тўплар наъраси?
Хотиржам тургайми тинчлик қалъаси?
Магар ер юзида тинчлик бўлмаса.

Нуз, қишига айланиб қайларнинг ёзи
Кулокқа чалингай йиги овози.
Неч ким ўз умридан бўлмагай рози
Магар ер юзида тинчлик бўлмаса.

Чекониз само бўлмас тиниқ, беғубор,
Назалға, маконсиз кезар кабутар.
Ерғиз ерга бирдай баҳор
Магар ер юзида тинчлик бўлмаса.

Мизорб нотинч бўлса безовта машриқ,
Дар бўстдан имдодин тутмагай дариғ,

Қаер зулмат ичра, қаердир ёруғ
Магар ер юзида тинчлик бўлмаса.

Эллар аро учмай қўяр қушлар ҳам,
Тун-кунни фарқ қилмас боёқишилар ҳам..
Ўзгача тус олар намойишлар ҳам...
Магар ер юзида тинчлик бўлмаса.

Ёруғ юлдузлар ҳам хира бўлгандай,
Ой тутилиб, юзи қаро бўлгандай.
Юраклар ўртаниб яра бўлгандай,
Магар ер юзида тинчлик бўлмаса.

Элчилар кўнглида ғулғула мудом,
Хавфу хатар кезар, қадам-бақадам.
Қай бир бегуноҳнинг кўзларида нам
Магар ер юзида тинчлик бўлмаса.

Файз не қилсин боғу бўстон ичинда,
Тўй ўрнига аза — достон ичинда.
«Қараб туриш йўқдир!» — фармон ичинда...
Магар ер юзида тинчлик бўлмаса.

* * *

Сирдарё сийнасига гулдай ярашиб тушган,
Шамс билан, Қамар билан ҳусн талашиб тушган,
Тонглари ёруғликда Зуҳродан ошиб тушган
Муборак ошиёнимсан,
Гўзал гулистонимсан.

Ильич башоратидан кўзгудай равшанлигинг,
Дўстлик шарофатидан обод, нурафшонлигинг,
Элу юрт меҳнатидан фаровон гулшанлигинг,
Тўкин дастурхонимсан,
Гўзал гулистонимсан.

Сайр этсам боғларингда кўнгил ўсар тоғчалик,
Дилим равшан тортади сўнмас бир чироқчалик,
Кўшиқ қайпар кўксимда сарчашма, булоқчалик,
Жонимсан, жаҳонимсан,
Гўзал гулистонимсан.

Тунинг билан кунингни фарқи кўзу қош мисол,
Еру самовотингга жонимиз туташ мисол.
Бағрингда барча бирдай — жондош, отадош мисол,
Ушалган гармонимсан,
Гўзал гулистонимсан.

БОЛА, БОЛАЖОНИМСАН

Болажон, бағримизнинг бутунилиги сен билан,
Давру давронимизнинг дуркунлиги сен билан,
Коммуна фаслининг ҳам яқинлиги сен билан,
Бола, болажонимсан
Бегубор осмонимсан.

Бу олам сенинг каби begubor бўлса эди,
Ҳар қилиқ, ҳар дамингдай бетакрор бўлса эди,
Мусаффо, бегардлиги барқарор бўлса эди,
Еруғ бир жаҳонимсан,
Бола, болажонимсан.

Умримиз боқийлигин изларингда кўраман,
Боғлар безаволлигин юзларингда кўраман,
Юлдузлар сўнмаслигин кўзларингдан кўраман,
Бола болажонимсан,
Тенгги йўқ гулшанимсан.

Сенингсиз кўча-кўй бир хазон бўлган боғ мисол,
Сенингсиз ўтган ҳар он — юракдаги доғ мисол,
Сенингсиз ўсган кўнгил — хазинасиз тор мисол,
Тугамас достонимсан,
Бола, болажонимсан.

Истагим: бўйларингга ҳеч кимса зор бўлмасин,
Кўксидা армонлари қат-қат — бисёр бўлмасин,
Умидлари — bemavrid узилган тор бўлмасин,

Бола, болажонимсан,
Булбули забонимсан.

Сен каби тиниқ эди оламнинг яралиши,
Орта борди тобора юксалиши, ташвиши.
Энди сенинг қўлингда келажак навозиши,
Қудратли уммонимсан,
Бола, болажонимсан.

Дунё болаларининг бахти бирдай бўлар кун,
Толеинг тоғдай буюк, авжи Сирдай бўлар кун,
Ҳадемай келар умри қутлур бир таъбирдай кун,
Соҳиби давронимсан,
Бола, болажонимсан.

М Е Р О С

Азалдан бор нарса мерос деган гап,
Йиғиб, йиғинарлар топганин мақтаб.
Сўнгги кун бисотдá борини атаб

Отадан болага қолсин, дедилар,
Отамнинг ўзини қайга қўйдилар?

Қирқ қуббали жугар, зарли ёлпўшлар,
Ёқут, олмос мисол «топилмас» тошлар,
Ичи неларгадир тўла болишлар

Отадан болага қолсин, дедилар,
Отамнинг ўзини қайга қўйдилар?

Кўммада, қўрада неки бор — бари,
Боғу чарбоғлари, лўкчаю нори,
Боболардан қолмиш қўлдаги тори

Отадан болага қолсин, дедилар,
Отамнинг ўзини қайга қўйдилар?

Ақиқ мисол мудом беғубор софлик,
Хешларга садоқат, душманга дафлик,
Гўрўғли султондай бир сўз, бир гаплик

Отадан болага қолсин, дедилар,
Отамнинг ўзини қайга қўйдилар?

Салкам бир таноб ер, қўш тут, қўш ҳўқиз,
Тилло қашов, олтин тўқмоғу мўгуз,
Симоби пўстин ҳам қирғизи кигиз

Отадан болага қолсин, дедилар,
Отамнинг ўзини қайга қўйдилар?

Емай-ичмадилар эртани ўйлаб,
Улмай туриб ўлим тўшагин бўйлаб..
Борлиқ топганларин асраб-авайлаб
 Отадан болага қолсин, дедилар,
 Отамнинг ўзини қайга қўйдилар?

Дунёсиз дунёни бекор, дедилар,
Иўқисиллар ҳар қачон хор-зор, дедилар,
Эндиғи бор савдо, бозор, дедилар, —
 Отадан болага қолсин, дедилар,
 Отамнинг ўзини қайга қўйдилар?

Тугамас хазина, кетмас бир давлат,
Етар-етмас кунда сабру қаноат,
Баланд мартабаю улкан саодат
 Отадан болага қолсин, дедилар,
 Отамнинг ўзини қайга қўйдилар?

Чўлпон гўзаллиги, тонг тиниқлиги,
Офтоб азаллиги, тоғ буюклиги,
Дониш синиқлиги, қўл югруклиги
 Отадан болага қолсин, дедилар,
 Отамнинг ўзини қайга қўйдилар?

Ҳали ушалмаган не орзу ўйлар,
Ҳали чалинмаган сеҳрли куйлар.
Хазонсиз чаманлар, муаттар бўйлар
 Отадан болага қолсин, дедилар,
 Отамнинг ўзини қайга қўйдилар?

Нордай бир бардошлиқ, тоғдай сабот ҳам,
Фаровон ризқу рўз, барқарор баҳт ҳам,
Шу боқий умр, шу порлоқ ҳаёт ҳам
 Отадан болага қолсин, дедилар,
 Отамнинг ўзини қайга қўйдилар?

А И И Р М А

Гар бошимга иш тушар бўлса,
Куз келмасдан қиши тушар бўлса...
Куним қолса номард, нокасга —
Бир бетайин, падар билмасга
Тулки эмас, шердан айрма.

Кўнглим ҳаво боғлаган чоғлар —
Ҳеч гап бўлмай қолганда тоғлар,
Масканимдан мен тонар бўлсам,
Тониб яна ўртанаар бўлсам
Осмон эмас, ердан айрма.

Зебу зарга қилмадим ҳавас,
Ҳалолликнииг ўзи менга бас.
Дўст олдида сарғайса юзим,
Ҳам жонимга тиласа тўзим
Шўрмас, манглай тердан айрма.

Йўл танладим — етдим муродга,
Танламадим — қолдим уятга.
Йўлдош бўлсам йўриқсиз билан,
Йўл-йўриғи ёруғсиз билан
Ор-номуси бордан айрма.

Орсизларда армон не қилсин?
Армонсиз бир замон не қилсин?
Қорли кунда, қора кунда ҳам,

Тугал, тўқис, сара кунда ҳам
Олтин эмас, ордан айрма.

Боғларга зеб булбул хониши,
Сеҳрлидир куй яралиши.
Байту ғазал ишқида ёнсам,
Бир ўрганиб, бирда қувонсам,
Қўзғаса ўт-қўрдан айрма.

Насл-насабдан гап кетар бўлса,
Кимлар кимни камситар бўлса,
Устозларим сози ҳурмати,
Ўлмас ўлан, сўзи ҳурмати
Фийбат эмас, шеърдан айрма.

ЎЗГА СОЗНИ ЧАЛГУЛИК ҚИЛМА

Улкан йўлга чиқдим, йўлимда
Қайдам, қорли қоялар бордир.
Ўзлигимча, ўй-хаёлимда
Қиши билганим балким баҳордир...
Баҳор фасли, баҳор нафаси
Йўлларимга кўп интизордир.

Йўлим тўғри, йўриғим ҳақдир,
Улкан йўлдан кетиб бораман.
Бировлардан қолиб орқада,
Бировлардан ўтиб бораман.
Манзил қайда, гап қайда ҳали,
Билмам, қачон етиб бораман!

Еш боладай тиним билмасдан,
Бирда хиёл шошиб бораман.
Сўқмоқларни кўзга илмасдан,
Дарё мисол тошиб бораман.
Гоҳи боқмай олди-ортимга,
Ўз ҳаддимдан ошиб бораман...

Бўла билмас муродим ҳосил
Шошган билан, адашган билан,
Из қолдирмай юрган йўлимда
Улкан йўлга туташган билан,
Ўз йўлимни топмасдан туриб
Ўзгаларга ёндашган билан,

Манзил қайда, гап қайда ҳали,
Аро йўлда қолгулик қилма,
Ота мерос созим турганда
Ўзга созни чалгулик қилма,
Термаларим, ўланларимсиз
Исму жисмим мангуллик қилма.

УХШАЙДИ

Жонини элидан аямас эрлар
Карвонни бошловчи норга ўхшайди,
Ота юрт қадрига етмас беорлар
Ёру дўст меҳрига зорга ўхшайди.

Хеч кимнинг кўнглида армон бўлмасин,
Номи эл ичинда ёмон бўлмасин,
Маскани на ер, на осмон бўлмасин,
Бундайлар ҳар ерда хорга ўхшайди.

Бу қандай кўргулик: қўли эгрилар,
Йўсинни, йўриғи, йўли эгрилар,
Элда эътиборсиз — дили эгрилар
Ҳали орамизда борга ўхшайди.

Мард туриб номардга кун чиққан дамлар,
Битар иш битмасдан кечиккан дамлар,
Товус тор қафасга кўниккан дамлар
Айни кўклам ёққан қорга ўхшайди.

Чинор ўрнин босмас терак билан тол,
Зофнинг сор бўлиши — қайғули бир ҳол.
Қадимдан қолган гап: синиқ бир сопол
Лаъл, ёқут йўқ ерда зарга ўхшайди.

Магар бўлар бўлса денгиз довулсиз,
Эшик олди гулсиз, чаман булбулсиз,

Боғу роғ боғбонсиз, саҳро сунбулсиз,
Чор атроф зимиston ғорга ўхшайди.

Тенглаб бўлармиди тамални тошга,
Ун беш кунлик тўлин ойни қуёшга,
Бахтинг боғлиқ бўлса бир бағритошга
Бу олам қурилган дорга ўхшайди.

САНДИҚ

Не бир замонларнинг жонсиз гувоҳи,
Ота-бобомлардан ёдгор бу сандик.
Жавоҳир дейсизми, марварид гоҳи,
Кўрмаган қанчалар гавҳар бу сандик.

Не қора кунлардан ёдгорликдир бу,
Ёдгорлик эмас бу, афгорликдир бу.
Ё борлиқ белгиси, ё хорликдир бу,
Асли бошга битган сарбор бу сандик.

Бирда тўлиб-тошмиш, бирда бўш қолмиш,
Бирда ёлғизгина ёқут тош қолмиш.
Бу ҳам тугаб бобом сўққа бош қолмиш,
Қимларни қилмаган афгор бу сандик.

Қези келганида бобом жонига,
На орзу армони, на паймонига,
На бир эътиқоди, на имонига
Ора киролмаган бир бор бу сандик.

Тўлалигин нечун тўққа йўйдилар?
Салкам силалигин йўққа йўйдилар?
Бўш қолса ташландиқ тоққа йўйдилар?
Бундай кезда кимга даркор бу сандик?

Қимнинг бахти қаро, иқболи каждир,
Тўғри бўлса ҳамки сўзи беваждир.

Сандиқ қуруқ бўлса ўзи ҳам ланждир,
Хотамни қиласди почор бу сандиқ.

Вақтида момо ҳам турмади қараб,
Табиатдан танқис кунларни тилаб,
Тақинчоқлар йигди битта-битталаб,
Шунда ҳам тўлмади зинҳор бу сандиқ.

Бобом шўрлик шундай армонда ўтмиш,
Орзу ушалмас бир замонда ўтмиш.
Замоннинг зайлига ҳайронда ўтмиш,
Иўқсилни домига тортар бу сандиқ.

Алҳол етолмасдан тилакларига,
Орзу ўйларининг бари-бариға,
Узлат қилмиш қаро ернинг қаърига,
Асли ўзи шундай хунхор бу сандиқ.

И И Ф Л А Р

(Ўтмишдаги ёлғиз йигит қўшиғи)

Бу тоғлар қандай тоғлар,
Бағрида қузғун, зоғлар?
Бор ўлса барча йиғлар,
Мен ўлсам кимим йиғлар?

Не қилай ёлғиз бўлди,
Мудом бир оғиз бўлди,
Бемурод — беиз бўлди, —
Дея қай иним йиғлар.

Бўлмади бағрим бутун,
Кулбамдан чиқмас тутун.
Хотин ҳам кетар ул кун,
Болларим етим йиғлар.

Тайрилиб туёғиндан,
Кул ёғиб сиёғиндан,
Адашиб чорбоғиндан
Армонли отим йиғлар.

Бу ҳолга ҳайрон бўлиб,
Юрак-бағри қон бўлиб,
Ёқаси вайрон бўлиб
Қай бир ҳамдамим йиғлар?

БИЛИНГАЙ

Не савдо, не бир кунлар тушар бўлса бу бошга
Кимнинг қандай дўст, душман, ошнолиги билингай.
Ногаҳон мустар бўлсанг ёт ёки қариндошга
Қай бирининг ҳамдард, эш, риёлиги билингай.

Беллашув пайти келса ногоҳ нобакор билан,
Бадкирдор, беандиша, бир бебурд, беор билан.
Ҳамият, ҳимоятсиз дилхун, дилозор билан,
Майдонда кимнинг тенгсиз, танҳолиги билингай.

Яхшининг ёруғ куни тун билан туташмасин.
Манзилга етмай туриб узлатга ёндашмасин.
Карвон ҳам ўз йўлидан айрилиб адашмасин,
Йўлбошида йўлнинг оқ, қоралиги билингай.

Ўз қадрин билмас кимса кўпга бош бўлар бўлса,
Куни учун ким кимга тобуткаш бўлар бўлса,
Бир нодон оқил билан қайфудош бўлар бўлса
Кимнинг шармисор, кимнинг донолиги билингай.

Нобоп соз эгалласа сара сознинг ўрнини,
Куз баҳорнинг ўрнини, аёз ёзниңг ўрнини.
Қарға қумри ўрнини қузгун бознинг ўрнини,
Қайси кераксиз, қайси анқолиги билингай.

Синалар бўлса магар кимда ким майдон ичра,
Ҳамнафас, ҳамдардликда элу юрт, ёрон ичра,

Қим андалиб, ким тұти, ким саъва чаман ичра
Сор ё ҳаққуш, булбулигүёлиги билингай.

Магар сорбон йўл туриб йўл бошласа қайларга,
Айланар бўлса кунлик йўллар ҳафта, ойларга.
На манзил, на муродсиз — борса-келмас жойларга,
Фурсат ўтмай баҳтиниңг сиёлиги билингай.

Ким дарё бўлса қуриб, кераксиз сой бўлмасин,
Юлдуз бўлса бир ботиб, бир чиқар ой бўлмасин.
Учқурликда қарчиғай бўлсин, хумой бўлмасин,
Фозилларниңг ҳар ерда зиёлиги билингай.

АРМОН

Бобомнинг орзулари амалга ошмас бўлса,
Юрган йўлимда ўлан, қўшиқ қалашмас бўлса.
Қўшиқларим боғлардан, тоғлардан ошмас бўлса,
Эл-юрт бахтини куйлаш менга ярашмас бўлса,
Кўнглимда армон ётар,
Тура билмас нор мисол.

Хешларимнинг bemavrid кўзларида ёш кўрсам,
Бир мард билан нопокнинг тақдирин туташ кўрсам,
Қайси бир бегуноҳни кенг йўлда адаш кўрсам,
Бир бетайин кимсанинг оёғида бош кўрсам...
Кўнглимда армон ётар,
Терскайдаги қор мисол.

Аро йўлда қолгудай бўлса бирор йўлдошим,
Манзилга етмай туриб қоқилса қайфудошим,
Муҳтож бўлса кимгадир жон аямас қурдошим,
Бадкор деган ном олса бирон бир ватандошим,
Кўнглимда армон ётар,
Улаб бўлмас тор мисол.

Гулзорни алаф босса, зоф босса боғбон туриб,
Муаллақ қолса кимдир ер туриб, осмон туриб.
Гар газанда топтаса тупроқни посбон туриб,
Бир йўртоқ йўл бошласа қудратли карвон туриб,
Кўнглимда армон ётар,
Аҳволи афгор мисол.

Айрилар бўлса магар кимда ким ошиёнидан,
Муқаддас тош — тупроғи, серюлдуз осмонидан.
Карвон ўз сарбонидан, бола соябонидан,
Кўнглимда армон ётар,
Бебаҳт, беназар мисол.

ҮХШАР

Куйга куй уланур базм оқшоми,
Еру кўк хазонсиз фаслга ўхшар,
Базм оқшоми бу— назм оқшоми,
Тўйхона баҳорий сайлга ўхшар.

Меҳнат, муҳаббатсиз кечган умрнинг,
Ёмғирсиз булутдай кўчган умрнинг,
Шам мисол бир ёниб ўчган умрнинг
Мазмуни эскирган нақлга ўхшар.

Ҳаққушга хатарсиз ошён муносиб,
Кўклам қушларига чаман муносиб,
Йигит-қизга аҳду паймон муносиб,
Бусиз кўнгил зилу замбилига ўхшар.

Куёвга вафоли қаллиқ ярашмиш,
Тиллари шакар ҳам болли ярашмиш,
Не баҳтки, юзлари холлик ярашмиш,
Келин гулга, куёв булбулга ўхшар.

Келин қайнонага эш бўлиб юрса,
Бўй қизлар ичинда пеш бўлиб юрса,
Таъби равшан, вақти хуш бўлиб юрса
Юрган ери райҳон, жамбилига ўхшар.

Келинчак бор уйнинг кўрки бўлакча,
Келиннинг куёвга эрки бўлакча,

Бошида укпари, бўрки бўлакча
Сочлари сахрои сунбулга ўхшар.

Манзил, муроди бир, аҳди бир бўлмиш,
Орзу ўйлари бир, баҳти бир бўлмиш.
Тақдир талпиниши, тахти бир бўлмиш
Икки ёшнинг йўли бир хилга ўхшар.

Тўй кўрмаган кўча, тўй кўрмаган кўй,
Карнай, сурнай саси, куй кўрмаган кўй,
Қўша-қўша лўкча, қўй кўрмаган кўй
Эли кўчиб кетган овулга ўхшар.

Осмонидан ўлан аrimas бу эл,
Юзга кирмай эли қаримас бу эл,
Теграсига қазо даримас бу эл
Олтин дарвозали Чамбилга ўхшар.

ҮТМОҚДАДИР

Эсиз, болаликни қолдириб ортда
Умр ўтмоқдадир дарё мисоли.
Қолдириб-қолдирмай из бу ҳаётда
Умр ўтмоқдадир дарё мисоли.

Оппоқ ғонгни улаб тийраи шомга,
Бирда шак келтириб сирли оламга,
Гоҳо таъзим қилиб бадкор, бадномга,
Умр ўтмоқдадир, умр ўтмоқда.

Баъзан дил ўртаниб, сайр этиб, санқиб,
Кераксиз ҳисларни этмасдан таъқиб,
Бўлар-бўлмас ишга ёниб-тутақиб
Умр ўтмоқдадир дарё мисоли.

Қай кезлар ушалмай орзу-армонлар,
Бирда бой берилиб бебаҳо онлар.
Бирда ғолиб келиб тулкисимонлар
Умр ўтмоқдадир, умр ўтмоқда.

Тенг бўлиб баъзан бир боёкиш билан,
Ёхуд кимларгадир чоҳ қазиш билан.
Уринсиз нола ё навозиш билан
Умр ўтмоқдадир дарё мисоли.

Денгиздай мавж уриб, қирғоқдан тошиб,
Юрар йўлимиздан бирда адашиб,
Ким биландир зимдан мансаб талашиб
Умр ўтмоқдадир, умр ўтмоқда.

Ҳимга айрилмас дард баландпарвозлик —
Ҳамроҳи ҳамиша худбин, саёзлик,
Қайда бундайларга умри дарозлик,
Умр ўтмоқдадир дарё мисоли.

Үткинчи шуҳратни қувонч, деб билиб,
Сийму зарни тоғу таянч, деб билиб,
Бирда бедорликни аянч, деб билиб
Умр ўтмоқдадир, умр ўтмоқда.

Яратиб не сирлар, не мўъжизалар,
Қутлуг кун кетидан кун ўтказилар.
Беҳуда ўтган дам — кўнгил эзилар..
Умр ўтмоқдадир, умр ўтмоқда.

Ҳар тонгда тўрғайдан олдин уйғониб,
Чаманлар яратиш ишқида ёниб,
Кўча бузарлардан кўигил доғланиб
Умр ўтмоқдадир, умр ўтмоқда.

Эрта билан боғлиқ не дамларимиз,
Билиб-бilmай босган қадамларимиз,
Хайрли иш, алам, карамларимиз,
Умр ўтмоқдадир дарё мисоли.

Кексалик мўралаб эшик қоқмоқда,
Болалик бошқатдан қайтарилмоқда..
Биздан эрта кунга нелар қолмоқда?
Умр ўтмоқдадир, умр ўтмоқда.

Үлмас созни ўйлаб дегинг келмайди,
Учмас издан сўйлаб дегинг келмайди.
Мангаликка бўйлаб дегинг келмайди.
Умр ўтмоқдадир, дарё мисоли..

ҚАЙДАДИР

Боғларга ёндашиб, кўкка туташиб,
Довонлар ошмасанг маъдан қайдадир.
Ортда қолар бўлсанг кўпдан адашиб
Орзу-истак тугул армон қайдадир.

Зоф билан булбулни фарқ қилмас зотга,
Наф бўлса ўоказдан айрилмас зотга.
Бошга кун туққанда қайрилмас зотга
Ёру дўст қайдадир, ёрон қайдадир.

Меҳру шафоат бор, шафқат бор ерда,
Ҳалоллик бор ерда, ҳаром хор ерда,
Барча бирдай ерда, баробар ерда
Бадномларга ардоқ, омон қайдадир.

Чорасиз кимсага, чоғсиз кимсага,
Кўпдан айрилган бир боғсиз кимсага,
Суянмоқ истаса тоғсиз кимсага
Бир муддат армонсиз замон қайдадир.

Не бир кунларингда энг яқин дўстдан,
Туққан, тутинганинг — дили пайвастдан,
Жонини аямас ҳамдам, ҳамдастдан
Гумон қилар бўлсанг имон қайдадир.

Баҳорсиз, боғбонсиз — давронсизларга,
Хиссиз, ҳаяжонсиз — бир жонсизларга.

Ўз элидан тонмиш — ватансизларга
Саъва сайраб турган чаман қайдадир!

Одамзод билмаса энди јаламни,
Урушни, ўлимни, кулфатни, ғамни,
Магар такрорласа даҳшатли дамни
Сизу бизга еру осмон қайдадир.

КЕЛТИРАР

Мамажон ота деган, аввал бошдан
Жавоҳир ундирганмиз тупроқ, тошдан.
Пойгода ғолиб чиққан чавандознинг
Билинар ўзбеклиги бир қарашдан.

Меҳнатсиз тўй, тўёна, хандон қайда?
Тарона, завқ, замзама, ўлан қайда?
Вақтида этик ечиб сув кечмасанг
Жон қайда, жонон қайда, маъдан қайда?

Ялқов элга ор келтирас
Бадномлар такрор келтирас.
Ўз халқига мартабани
Қатордаги нор келтирас.

Самоват мисол чексиз ой даламиз,
Қўй урсанг мўл ҳосилга шай даламиз.
Бел боғлаб сидқидилдан хизмат қилсанг
Шираю шарбат, конга бой даламиз.

Мирзайи азим бугун гул макони,
Олуча, олма, анжир, беҳи кони,
Сайри бор этсанг магар боғларида
Фубордан ҳоли бўлгай инсон тани.

Қора совуқ қор келтирас,
Кунни кўзга тор келтирас,
Кўп бир бўлса ўз элига
Чиллада баҳор келтирас.

Йўл тўлиб турнақатор карвон ўтар,
Товланиб намойишга алвон ўтар,
Бир йиллик ҳосил юки елкасида
Ларзага солиб ерни равон ўтар.

Кўкламдан то кузгача гулчи мисол,
Манзилин мўлжаллаган йўлчи мисол,
Тадбиру такаллуфда ўз халқининг
Мушкулин осон этган элчи мисол:

Зангори кемамизнинг соҳиблари,
Элининг мартабали ғолиблари,
Тўдага солди пўлат отларини
Эзгулик ихлюсманди, толиблари.

Турсунбой, Шерқул оға иш кўзини
Билса-да, камтар санар хўп ўзини.
Саодат, Сотиболди, Раъно терган
Пахтани ёйсанг қоплар ер юзини.

Яхшининг яхши кунда суюклиги,
Айтилар теранлиги, югруклиги,
Ой юриб, омон бориб, ойдан боқса
Кўринар Октябрнинг буюклиги.

Дўстга дўст дармон келтирас,
Номардлар армон келтирас.
Одамзодга аҳилликни
Советдай замон келтирас.

Бу юртда тўй кетидан тўй бошланур,
Мардларнинг номи шунда олқишлиланур,
Ҳофизлар шаҳнозиси шоҳ достонлар
Сиз азиз пахтакорга бағишлиланур.

Жавод хизматида қўлда торимиз,
Тадбир, бардошида эътиборимиз.
Сири муборакнинг соҳилларида
Қўшиқсиз ўтмайди тонготаримиз.

Улкан тўйга улгимиз, деб,
Яхшиликдан билгимиз, деб,
То тонгача тарқамасин
Ўйин билан кулгимиз, деб,

Созандалар соз келтирас,
Хофизлар шаҳноз келтирас,
Гўяндалар барчангизга
Гулдан поёндоз келтирас.

Боғбонлар гул ундирап тош устина,
Ризқ-рўзи полвон келар ош устина.
Қўли гул, йўли очиқ меҳнаткашни
Арзийди гар кўтарсанг бош устина.

Қадимдан тўй тилакли Омон оқин,
Ўз қадрин билмасларга — ёмон оқин.
Урним бор ўтиришда, армоним йўқ,
Омонни қилди дўстлар замон оқин.

Садага Мамат жони шундай элга,
Тупроғи дилга туташ жондай элга,
Эрлари Алпон мисол, Рустам мисол,
Қизлари ўн тўрт кунлик ойдай элга.

Сўйлайди Усмон шоир сози билан,
Далада тер тўқади ёзи билан,
Маърака — мажлис куни дўмбирасин
Хўп созлаб олиб борар ўзи билан.

Боғларда баҳор қулф ургай ғунча,
Булбуллар гул шайдоси то ўлгунча,
Қосагул, гулобдан қуй, бу кечаси
Сайрайди қўлда торлар тонг отгунча.

Тўрангиз таълим олар устозидан,
Созидан, овозидан, парвозидан,
Айрилса туролмайди, ғайб этмангиз,
Муборак Сир бўйининг куз, ёзидан.

ДАРЁИ АЗИМ

Эргаш Жуманбулбул ўрлига

Сиз дарёи азимсиз чайқалиб, чалқиб оққан.
Не бир қаро кунларда симобдай қалқиб оққан,
Бирда чорбоғ оралаб, бирда тутақиб оққан,
Авжи келса ёз тугул чиллада балқиб оққан.

Сиз булбулигүёсиз саҳарлар хониш этган.
Тунга марсия ўқиб, тонгга навозиш этган,
Қаҳри келса ёзни куз, гулбаҳорни қиш этган,
Достонсаролиғ сирин элда намойиш этган.

Ошиқларнинг ичгани майи антаҳур бўлур,
Антаҳур кайфин суриш ғофилларга сир бўлур,
Бошга тушса юртида шоҳ ҳам мусофири бўлур,
Гўяндаликда ким ҳам сизчалик машҳур бўлур!

Кимлар куйлаб ўтмади, тепасида дор туриб,
Бир қўлида майи ноб, бир қўлида тор тутиб.
Ўрталиқда шуҳрат ё номус туриб, ор туриб,
Фолиб келиб қай кезлар баҳрин зоти сор тутиб.

Кимдир сизни, дарвеш бу, девонавор, дедилар,
Айтганлари ўз сўзи эмас такрор, дедилар,
Кимдир, қудрати Асқар тоғича бор, дедилар,
Гўрӯғли Султон руҳи ҳамиша ёр, дедилар.

Ҳа, оқинга ўлим йўқ, забуни завол йўқдир,
Созида, овозида бир қатра залол йўқдир,

Сўз қадрини билмас бир созчига камол йўқдир,
Тонг чори тонгдай тиниқ топилмас хаёл йўқдир.

«Ўртоқ Ленин» ҳақида ҳикоят айлаган — Сиз,
Сўз дарёсин ошириб, тошириб боғлаган — Сиз,
Ўлан қадрин билмаслар кўнглини доғлаган — Сиз,
Лек ўзин осмон эмас, ер каби чоғлаган — Сиз.

Ҳеч кимсанинг ёшлиги кечмасин армон билан,
Орзулари, ўйлари қоришмасин қон билан,
Сиз етдингиз муродга шу қутлуғ замон билан,
Ким ҳам қувонмас бу кун сиз қурган Қўрғон билан.

Сиз дарёи азимсиз тинимсиз тошиб оққан,
Элга ҳаёт бахш этиб дилга туташиб оққан,
Не хавфли, не хатарли тоғлардан ошиб оққан,
Бирда Зарафшон, бирда Сирдай ярашиб оққан.

ТЕБРАТАР

(Халқ қўшиғи)

Шамол шамолни тебратар.
Шамол булутни тебратар.
Булут ёмғирни тебратар.
Ёмғир тупроқни тебратар.
Тупроқ майсани тебратар.
Майса бияни тебратар.
Бия қимизни тебратар.
Қимиз йигитни тебратар.
Йигит сулувни тебратар.
Сулув бешикни, тебратар.
Бешик болани тебратар.
Бола дунёни тебратар.

СИЗНИ ЭСЛАЙМАН

Узбекистон халқ шоираси Зулфияга

Қарчигай учқурлиги, жайрон бола соқлиги,
Чашмалар тиниқлиги, дарёлар ўйноқлиги,
Эзгуликнинг ҳамиша кўнгилга қўноқлиги
Борасида бирма-бир
Айтилса тавсиф, таъбир,
Сизни эслайман.

Бўйга тўлган не қизлар шеър ишқида ёнсалар,
Тушларида, ўнгида кимнидир соғинсалар,
Биринчи севгисига суяниб, сиғинсалар..
Туз, намак, нон ҳурмати,
Жону жаҳон ҳурмати
Сизни эслайман.

Қопланар бўлса магар боғ-роғлар ифор билан,
Ёзда, кузда, аёзда қирлар лолазор билан,
Ҳар бир дилни забт этиш мумкин бўлса тор билан,
Фозил отадай тошиб,
Бир шошмай, бирда шошиб,
Сизни эслайман.

Не қорли, қабоҳатли, не бир армонли кунлар,
Ёрдан айрила тушмиш — машъум, ҳижронли кунлар,
Азалик, таъзиялик — қонталаш, қонли кунлар
Қай маҳал ёдга тушса,
Юрак-бағрим уюшса,
Сизни эслайман.

«Тонг қўшиғи» чалинса тонг чоғлари қулоққа
Қўйилгандай бўлиб чек ўмрлик айрилиққа,
Бахт куйчиси келгандай бўладир берироққа..
Шундай бир сирли кезда
Ёшлар қалқиса кўзда,
Сизни эслайман.

Саодатли кунларда «Қуёшли қалам» билан,
Бирда бардош, бирларда дард, ҳижрон, алам билан,
Гоҳи тенгсиз жасорат, гоҳида карам билан
Куйласа кимдир ёниб,
Ўртаниб, оловланиб,
Сизни эслайман.

Биби, Гулчехраларнинг муңг не билмас созидан,
Ойдин, Ҳалималарнинг бехатар парвозидан,
Баҳор, Эътиборларнинг иззат, имтиёзидан
Сўз кетса давраларда,
Тўй-томуша қурларда,
Сизни эслайман.

«Мушоира» кетидан мушоира уланса,
Оқшом тонгга туташиб, диллар дилга борланса..
Ҳеч тузалмас дардлар ҳам шеър билан даволанса..
Терма тўқиши бошлаб,
Ўлмасликни олқишилаб,
Сизни эслайман.

«Кашфиёт»сиз дамларин ҳеч дам санамасларни,
Орсизларни ҳеч қачон ҳамдам санамасларни,
Шуъласиз юлдузларни бир шам санамасларни
Кўриб, кўришганимда,
Дилдан сўрашганимда
Сизни эслайман.

Кўринмас мисқол билан умр ўлчанаар бўлса,
Унинг ҳар бир фурсати нурдай беғубор бўлса,
Урик гуллаган ердан ўлим чекинар бўлса..
Тан бериб табиатга,
Сифиниб — шеъриятга,
Сизни эслайман.

Шеърий чаман қопламиш ҳар қадам, изингизни,
Ким ҳам ҳавас қилмайди эларо мавқенгизни.
«Умр ўтмоқда» дебсиз, умрингиз боқий Сизни,
Кўзи намсизни кўрсам,
Тугал — камсизни кўрсам,
Сизни эслайман.

БИР СИЗГА СИГИНГАЙМАН

Насиб қилса азонда йўл оламан йироққа,
Дашти Карбало недир ундан ҳам нарироққа,
Кулбай хонамизда қўни-қўшни жам бугун,
Уй ичи, ҳовли сатҳи хиёл саранжом бугун.
Үрта тўла ноз-неъмат, дошқозон ишга тушган,
Қўпни кутиш осонмас, хоним ташвишга тушган.

Авжида эди чандон чолларнинг ҳангомаси,
Каминани мақтарди қайси бир «алломаси»:
— Мадинани кўрмоқлик ҳар кимга насиб қилмас,
Фақат суйган қулинни бундан бенасиб қилмас...

Онасан, меҳрибонсан,
Деганича бормасми?
Сен бир баҳри уммонсан,
Деганича бормасми?
Биз — юлдуз, сен — осмонсан,
Деганича бормасми?
Ҳам жонсан, ҳам жаҳонсан,
Деганича бормасми?

Қўл очиб дуо қилар мушфиқ оназорим,
Бошимга кулфат тушган кунларда ғамгузорим:
— Энди бормаган еринг Мисрмиди, жон болам,
Узоқ юриб кўз ёшим қилмагил маржон, болам,
Ўтганлардан қолган гап: кўрган қолар дунёни..
Зиёрат қилмай қайтма Маккайи Мадинани.

Мен дедим Қиблам ҳам Сиз, Маккам ҳам Мадинам Сиз,
Менинг учун муборак ўн саккиз минг олам Сиз,
Бу дунёда қиёси, тейги кам муҳтарамсиз,
Бир Сизга сифинганман, Сиз ахир паноҳимсиз.

Сизнинг сийна сутингиз ато қилмиш жон менга.
Жон билан қатра-қатра қон менга, дармон менга,
Сизнингсиз қайда эди сўз бир-ла забон менга,
Бир парча этдан одам қилган саждагоҳимсиз.

Бир умр армон менга, кўзингизда нам кўрсам,
Кўксингизда дард кўрсам, ҳасрат ё алам кўрсам,
Ризқингиз бутун кўрмай ярим кўрсам, кам кўрсам,
Сиз менинг duogъим, менинг такягоҳимсиз.

Сизсиз равшан кун қайда, сизсиз дилда имон йўқ,
Сизсиз ойдин тун қайда, сизсиз тонг йўқ, замон йўқ,
Сизсиз тоғ йўқ, таянч йўқ, сизсиз давру даврон йўқ,
Сизсиз кун йўқ, қувонч йўқ, Сиз зиёратгоҳимсиз.

ТУЗОҚ

Киндик қоним тўкилган тупроқдан йироқдаман,
Боғдоддин бери, Шомдин хиёл нарироқдаман.
Ўзга эл, ўзга юрт бу. — ёр қайда, ёрон қайда?
Ўз уй-ўлан тўшагим, ул ширин забон қайда?
Мен қайдаман, қайларда мушфиқ онаизорим?
Ой ҳам ўтмай орадан йўлимга интизорим?

Биринчи бор тушиши
Мусоғирлик бу бошга.
Хабар бер деб қортимдан:
Ёлвораман қуёшга.
Бўлакчадай бу ерда
Бу дунёниг ишлари.
Қанча-қанча кўргулик,
Тугамас ташвишлари.

Бирлар шоҳ, бирлар гадо, бирлар парча ноңга зор,
Бирлар ватандан жудо, бирлар ватандан безор,
Кўза синдирган азиз, сув келтирган хору зор,
Иzzатда келгиндилаr, келгиндидаn алҳазар...

Бирда ўхшатгинг келар,
Бу оламни бозорга.
Бирда ўхшатгинг келар,
Тайёр қурилган дорга.
Бирлар жон қайғусида
Бирлар қон қайғусида.
Қай бировлар салтанат
Ё жонон қайғусида.

Тонг аzonда шаҳарни сайр этиб кезмоқдайдим,
Шу йўсин бу наҳорни шодмон ўтказмоқдайдим.
Рўпарадан шинам бир боғ чиқди, бўстон чиқди,
Йўқ, боғу бўстон эмас, гўё гўристон чиқди.
Боғ ўртаси шосупа, гул ҳовуз айланаси,
Бир ёнда мунг, бир ёнда чолғувчи таронаси.
Ёши салкам етмишга етиб қолган бир банда
Қилмиш, қидирмишлари бошдан-оёқ шарманда:
Қиз олиб, қиз қўйишдан армони қолмаган зот,
Беномусликда элу юртда уялмаган зот
Нонушта қилмоқдайди — олам билан иши йўқ.
Ишрат қилишдан бўлак дунёда ташвиши йўқ.
Набираси тенгти бир сумбул соч хизматида,
(Бор эканда бу кулфат қизчанинг қисматида).
Бойдан имо бўлса бас, келтиради печвон¹ қиз,
Тириклайн кўмилган — кўкси тўла армон қиз.
Сайрамасди булбулдан бўлак боғда бирон қуш.
(Асл бу боғнинг тенгги булбул эмас қирон қуш)
Бойнинг қилмишин булбул гўё олқишлилар эди,
Юз бир оҳангда сайраб кўнглини хушлар эди.
Бой кўнглин хушлаб қизга оч назар ташлар эди,
Шўринг қуғур қиз эса кўзини ёшлар эди...
Мен шу чоғ бу булбулни ўхшатдим қарға, зоққа.
Ё у ҳам тушганмикин «олтин қафас» — тузоққа?

1 Печвон — Жаҳонгир шаҳаншоҳнинг хотини Нуржакон бегим томонидан ихтиро этилган чилим. Бу чилим ўтра Шарқда ҳозир ҳам машҳур.

ИШҚ

Асл деҳқондай бўлса ҳар кишининг соқлиги,
Қилар ишининг таъна, миннатдан йироқлиги.
«Оқ олтин»чалик бўлса юрагининг оқлиги,
Ёруғликка эшлиги, ўчлиги, чанқоқлиги,
Пайвастадир кўнглига давр ишқи, даврон ишқи.

Арзиди пахтакордан ўрганса жўмардликни,
Дўсту ёрга садоқат, ҳамнафас, ҳамдардликни,
Қалбнинг покизалиги, бегараз, бегардликни,
Тупроқдан дур яратмиш — тенгсиз бунёдкорликни,
Қайга етса қадами ўйида бўстон ишқи.

Тўй-тўйлашгудай бўлсам магар ўзлигим билан, —
Қасб-кори пахтакорлик саҳархезлигим билан,
Тутгани олтин бўлган ҳар бир сўзлигим билан,
Етар бўлсам муродга қора кўзлигим билан,
Жой олмай иложи йўқ бу дилдан ёрон ишқи.

Кўкдаги юлдуздан кўп Саодат издошлари,
Толиқмас норларимиз — Жавод елкадошлари,
Жон деса жондошлари, мурод, манзилдошлари,
Дарғаларга бахшида халқимиз олқишлиари,
Созу баёзимиизда кон ортган карвон ишқи.

Қатордан қолган норни кераксиз пор, деб билинг,
Кўкламда ёқсан қорни қадрсиз қор, деб билинг.
Юртидан тонмишларни ҳар ерда хор, деб билинг,

Кўксидা армонлари оламча бор, деб билинг,
Элу юртсиз не қилсин танда ширин жон ишқи.

Ота юрт омонлиги — кўпнинг беармонлиги,
Кўпнинг беармонлиги — соҳиби давронлиги.
Эл ободлиги қайда, қайда юз ширмонлиги,
Қайда шодмонлик, қайда рўзгор фаровонлиги.
Бу тупроққа тушмаса аслида дехқон ишқи.

Керак бўлса бу элдан аяйдиган жон борми?
Бу ота юртдан ўзга муқаддас макон борми?
Бу тупроқдан, бу тоғдан улуғроқ аркон борми?
Дунёда «оқ олтин»дай ҳеч тугамас кон борми?
Сиз, бизда диёр ишқи, булбулда ошиён ишқи.

Олгани отланган чоғ йўлларинг очиқ бўлса,
Гўё осмон кўз бўлиб, юлдуз қорачиқ бўлса,
Ниятига муносиб манзил ярашиқ бўлса,
Ҳар ким ҳам пахтакордай касбига ошиқ бўлса,
Тиниқ булоқдай қайнар қонида замон ишқи.

Тўй-тўйларга улашиб бўй қизлар хиром этса,
Дала лочинларига дилдан эҳтиром этса,
Дехқон аҳли касб-корин элда муҳтарам этса,
Созчи кўпни олқишилаб, кўнгилларни ром этса,
Ҳар сийнада жўш ургай жонажон Ватан ишқи.

С У Л У В

Сир бўйида бир сулув,
Кўпдан сақлаб сир сулув,
Сувдан сўраб тургандай
Тушига таъбир сулув...

Субҳ елидан маст бўлиб ҳаққуш сайдрамоқдайди,
Қайлардадир най саси.. кўнгил яйрамоқдайди.
Она-бола қалдирғоч ҳали қўналғасида,
Гурунг қурилганча йўқ, сарҳовуз ёқасида.
Чорвадорлар ҳай-ҳуйи Чотқол этакларида,
Дорилпаноҳ ташвиши жон-жонивор барида..
Тоғлар тўши ёришди, демак тонг отаётир,
Бўса тилаб бир гўзал ёрип уйфотаётир.
Ҳулкар ҳам оғди ҳисоб, нақ тушликда торози,
Қайдам кечган бу тундан ким рози, ким норози...

Мен шу саҳар Сир бўйин сайдир этиб кезмоқдайдим,
Не учун мен бу тунни бедор ўтказмоқдайдим?
Тулпори тойларимни ёйиб қўйиб тўқайга,
Термилиб Сомон йўли, Зуҳал ҳам тўлин ойга,
Севмоқ, севилмоқликнинг сирин ўрганмоқдайдим,
Ёр васлига етмоқнинг дардида ёнмоқдайдим...

Сир бўйлаб кезмоқдайдим, ўзим севган сувчи қиз,
Кўпдан бери ишқида мани куйдирувчи қиз
Сув бўйида турарди гулбеордай товланиб,
Чақнаб турган тимқора кўзлари порлаб, ёниб.

Сарви дейми, Санобар алифдай туришини?
Ўксимасми ўхшатсан ғунчага кулишини?
Заркокилга муҳтожмас, сирға на тиллақошга,
Учмайди, учмагай ҳам забаржад, олмос тошга!
Мушки тотор ифорсиз сочнинг ўзи офати,
Мани афсунсоз этган шу қизнинг шарофати.
Қарғашойи кўйлаги монанд тушган бастига,
Тополмасдим ҳеч қиёс қошининг пайвастига.
Қиз сувга ёвуқ келиб, салом солгандай бўлиб,
Тилсиз ва тинсиз сувдан сал уялгандай бўлиб
Суралайдай силаниб, айта бошлар тушини.
Бир тушимас, ройиши ҳам борлик хоҳишини:

— Гул шодаси, шодаси, булбул гулнинг адоси,
Бошга тушди бу оқшом муҳаббат ибтидоси.
Туш кўрибман, тушимда баланд чўққидамишман,
Чўққидан чўнг қояга чиқмоқ машқидамишман.
Қирлар оша қоқиниб, сой келса сарсон бўлиб,
Кўйлар кезган ўр келса, мушкулим осон бўлиб,
Кетмоқдайдим қаршимдан поёни йўқ жар чиқди,
Чор атрофи чоҳ мисол — тапта-тайёр дор чиқди.
Бир маҳал тоғ лочини чарх урармиш бошимда,
Жон сўрасам бергудай парвонамиш қошимда,

Қани, чиқ қанотимга, айт қайга қўнай, дермиш,
Неки фармон айласанг мен шунга унай, дермиш,
Фалокатдан қутқарди, ўтинчим бажо айлаб,
Мен қолдим яхшилигин бу кўксимгә жо айлаб.
Лочин ўша йилқичи суйган йигитим бўлиб,
Ишқ ўтида ўртаниб, куйган йигитим бўлиб,
Маъшуқасин кўрмоққа кўпдан мунтазир бўлса,
Бу бошга савдо тушган чоғларда ҳозир бўлса,
Қайс бўлса Лайлосиман, соз бўлса садосиман.
Отаётган тонг ҳаққи йўлида адосиман.
Муборак Сир, тўғри йўй саҳар кўрган тушимни,
Ёрга етказ кўйида ўртаниб ёнишимни...

Қиз гүёй сархуш бўлиб унутганди борлиқни,
Сездим у ҳам кечирган бошдан интизорликни.
«Ҳа» сўзини ололмай доғда эдим ман ҳануз,
Узун туплар тўлғаниб, ютмоқдайдим қон ҳануз.
Шодмон эдим бугун ният холислигидан.
Хижрон деган балонинг мендин олислигидан.
Сирга айтиб сирини, ўз ишига қиз кетди,
Дарё бўйин тарк этиб, мисоли қундуз кетди.
Пахтазорга сулув сув тараши билан банд эди,
Ҳар шона, ҳар қўсакка жон, дили пайванд эди.
Мен ҳамон хилватдаман лек кўзларим сувчида, —
Шарм-ҳаёси билан жонимни олғувчида.
Ошиқлиқ-да, не қиласай, мен май ичмай масти эдим,
Наздимча, қиз кўнглига кўз-қошдай пайваст эдим.

А Л Е Р

Поччамизни бу кеча базмда синаймиз деб,
Алёр-алёр айтишиб, назмда синаймиз, деб,
Қайин юртим қизлари мени кўрмоқ истабди,
Бу ишга бош бўлинг, деб янгажонни қистабди.
Ҳар қизларки, бўй-басти жон олиб, жон бергудай,
Ибо қилсам, авзойи: одоб сақлаб тургудай,
Сездим қизлар жазмини ажид базм қилгудай,
Үрни келса, шўхи ҳам менга таъзим қилгудай.
Сатқа бўлсин жон майли бири эмас, барига.
Фақат айтар сўзим бор чанқовузи борига...

Мен ҳам қўлда созимни
Чала олсам кошкийди.
Салобати босмасдан
Қола олсам кошкийди.
Ўйинчисин ёнимга
Кўндиrolсам кошкийди,
Шаънига бир сўз айтиб,
Кўндиrolсам кошкийди.
Оҳу кўзнинг олдида
Олдирмасам кошкийди,
Кўнглин инжитиб, доғда
Қолдирмасам кошкийди.

Қизитмоқ-чун даврани Сайди билан Санобар
Бири тушиб ўйинга, бири чалди «Тановар»,
Ҳаё билан Ойқиз ҳам тол чивиқдай буралар,
Малоҳат юз мақомда бўз тўргайдай йўргалар.

(Даричадан қай бирор «Бир кўрсак», деб мўралар,
Чунки, илож йўқ эди беш кетмасдан, жўралар).

Товус янглиғ товланиб чиқди Қумри ўртага.
Бирпастурди «Жонон»ни билмайман деб жўрттага.
Ақлим шошди, ёпирай, бу қизларнинг шўхлигин,
Дўстим, сен ҳам кўрсайдинг бир-биридан кўхлигин.

Рақс тинди, афтидан, айтишмоққа гал келди,
Ял-ял ёнган қирмизи шокосада бол келди,
Сарвқомат Янгажон, яъни қора қош келди,
Бир қўлида гулдаста, бир қўлида ош келди,
Билагининг оқлигин... Ҳали қиздан ёш келди,
Садағаси кетсанг оз: яхши ишга бош келди.

Сўзга жуйрук Жамила бошлаб берди «Алёр»ни,
Бўш келманг сиз ҳам, дея, бизнинг юзи холдорни:
— Маърай-маърай қир ошган қўша-қўша қўймикин?
Бўктаргининг макони, увамикин, ўймикин?
Эзгуликнинг кечи йўқ, деганлари тўймикин?
Почча, сизни ром этган ўша моҳи рўймикин?
Жом тагида қолдирманг алёр-алёр, ўдаға!

— Чилвир, чилвир сочингиз тарам-тарам, жон қизлар,
Оғушингиз мисоли боғи Эрам, жон қизлар!
Ширин сухан — сўзингиз жонга ором, жон қизлар,
Жомингизни олмасдан йўқдир чорам, жон қизлар!
Қўлларимни толдирманг, алёр-алёр, садаға.

— Уруғ-аймоқ ардоқлар қатордаги норини,
Эр йигитлар улуғлар жондан суйган ёрини,
Ишга солинг бармоқда дўмбирангиз торини,
Дилингизда неки бор, тўкиб солинг барини,
Тўпланганимиз бу кеча, алёр-алёр, айтгани.

1 Ўтиришнинг каттаси.

— Саратонда ярқирап қорли тоғлар қояси,
Жон роҳати мезонда қўшчинорнинг сояси,
Кўзларимга тўтиё кўзларингиз зиёси.
«Бирор»ларга тегишли сўзларингиз қиёси.
Ой ҳам ботиб боради, рухсат беринг қайтгани.

— Сўфитўргай чарх уриб қўнса кўздан йироққа,
Чевар қизлар аксини туширолмас қуроққа,
Сизни чечан дейдилар, сайқал беринг туроққа,
Кўш иргайдай эгилиб «биров» ёқкан чироққа.
Тарқалмасин базмимиз, алёр-алёр, тонгача.

— Сайқал берсам, сайқал берай,
Юзи қордай оқ қизлар.
Ҳайдар кокил, сунбул сочли,
Ўрта бўйли чоқ қизлар.
Суйганига олма отган,
Ё боши бўш тоқ қизлар.
Ишқ кўйида куйиб ёнган
Ёки кўнгли тўқ қизлар.
Шунқорини бир кўрмоқдан
Бошқа ғами йўқ қизлар.
Сўз — ваъдаси ёлғонларга
Ҳар киприги ўқ қизлар.
Ошиқларниг таъбирича,
Бу борада ҳақ қизлар.
Сийналари сувдан тиниқ,
«Алёр»га ўч, шўх қизлар.
Миннатингиз бош устига
Алёр-алёр, пок қизлар.
Аҳдли бўлсин йўлдошингиз,
Кўрмангиз фироқ қизлар.
— Ўрта бўйли — чоғ... қиз деманг,
Уяламиз-ей.
Кўлдан тушар шарбат тўла
Пиёламиз-ей.

Гар тўкилса қайта бошдан
Қуёламиз-ей —
Шарбат, болни сиздан қандай ·
Қиёламиз-ей.

— Қуллуқ, қизлар, қавмингизни
Ардокларман бир умр,
Бўлса парипайкарингиз
Сир сақларман бир умр,
Берган қутлуғ тузингизни
Ҳам оқларман бир умр,
Номингизни қайда бўлмай,
Ёруғ юлдуз, ойда бўлмай,
Субҳи содиқ елларидан
Сўроқларман бир умр.
Тоғ қизлари малоҳатин
Нишонаси — бу,
Каминани бир кўрмоқлик
Баҳонаси — бу,
Расм-русмин олижаноб
Шоҳонаси — бу,
Садоқати бирла, аҳду
Паймонаси — бу.

ЁРУФ ЮЛДУЗДАН САЛОМ

Сайёрада туриб битган соғинч хатим,
Хат орқали бор эътиқод, муҳаббатим
Етиб борсин Мирза отли инимизга,
Жондай жигар, дил равшани — кунимизга.
Дилдан дуо касбдошларинг, қўйчиларга,
Овчиларга, йўлчиларга, тўйчиларга.

Алҳол, биздан ҳолу аҳвол сўрар бўлсанг,
Ё соғиниб йўлмизга қарап бўлсанг,
Минг бор қуллуқ дўст, оғайни соғинчига,
Тилакдошмиз тўй-томуша, қувончига.
Бизлар бунда соғ-омонмиз, хотиржаммиз,
Тўрт кўз тугал, бағир бутуи, жамулжаммиз.

Ўзгармоқда кундан-кунга ҳаётимиз,
Авж олмоқда савти наво, баётимиз.
Қишлоғимиз шаҳар бўлар ҳа демасдан,
Сўнг яшармиз бу йилгидай қишиламасдан.
Шаҳримизнинг номи бўлар «Оламобод»
Кўчалари «Тоҳир», «Зухра», «Бодомобод»,
Гулга тўлар ҳар муюлиш, хиёбони,
Сада бўлар ошиқларнинг соябони.

Қайтсам магар ердан қандай келганликка,
«Молния»да нурдан ҳам тез елганликка,
«Космодром»да хайрлашиб сизлар билан,
Валентина мисол қанча қизлар билан,
Ер йўлдоши — «Улугбек»да бир кун тунаб,
Сафар жабдуқларин бунда обдон синаб;

Оймомога эсон-омон етиб келдик,
Тўфонлардан хавф-хатарсиз ўтиб келдик.
Бирон соат сайр айлаб ой юзини,
Телескопда кўриб Мирриҳ юлдузини;
Она-Ерга таъзим қилиб қайта-қайта,
Тошу тупроқ тоғларига сано айта;

Ҳеч нарсага ўхшатолмай болларини,
Мирза терак, сада, мажнунтолларини,
Хумор этиб фарғонача қаҳва чойлар,
Ўғиз оши, калла гўшти, кулчатойлар,
Бахмал бўйи чалоблари, гулоблари,
Қаклик шўрва, танқис тандир кабоблари.

Парвоз этдик тонг юлдузи қайдасан, деб,
Одамзодга азалдан кўп шайдосан, деб.
Фазои ирга ҳеч гап эмас йўл деганинг,
Оташ ҳаво, музликлару дўл деганинг.
Бир кун қўниб «Ер юлдузи» работига,
Қойил қолиб одамзоднинг қудратига.

Чақмоқ мисол кўтарилидик Чўлпон томон,
Зулмат ичра дунё кўрки — қуёшсимон.
Ҳаёллаб ё йиллаб эмас, ой, ҳафтада,
Сарсон бўлмай, бўлмай афгор ё афтода;

Сарманзилга етиб бордик тонг отганда,
Тўрғай сайраб бўй қизларни уйғотганда.
Зуҳро юзи бизлар билан обод бўлди.
Бешикаста қўнганликдан дил шод бўлди,
Дўстлар бизни «Ҳорма — бор бўл» қилишгани,
Қандай келиб, борганимиз билишгани,
Асалари мисол бизни ўрадилар,
Еrimизни қайта-қайта сўрадилар.

— Қитъаларнинг бари бехавф, бехатарми?
Уруш деган балолардан бехабарми?
Ҳамон борми тараф-тараф — гузаронлик?
Бош-бошдоқлик, корчалонлик, зўравонлик?
Нечук ҳамон тинчималти тўплар саси?
Бомбаларнинг қиронга мос гулдуроси?
Тинчидими Америка дағдагаси?

Қайси давлат холис, қайси эл огаси?
Не гаплар бор, Оврупода, Чин Мочинда?
Кимлар тинчлик ваъда айлар тил учинда?
Африкада келгиндилар кўпми ҳали?
Қалай булғор, ҳабашларнинг ҳол-аҳволи?

Энди сўзни недан бошлаб айтсам экан?
Нени айтиб, нени ташлаб айтсам экан?
Жаҳон билар: масканимиз — тонг юлдузи,
Ердан тамом фарқ қиласи тун, кундузи,
Энди қайтай сенга айтар ўтич гапга;
Ўтинчларим ёзса сигмас бир китобга...

Ер қайдаю, кўкда ёруғ юлдуз қайда?
Бориб-келиб туриш энди йилда, ойда...
Трамвайдা эрта чиқиб кеч қайтгали,
Шошиб-пишиб тўйга айтиб оч қайтгали,
Қўшни шаҳар, қўшни қишлоқ, қўшни элмас,
Жоним укам, энди сендан шу илтимос.

Тўйимизнинг муддатидан хабардорсан,
Тўй рўйхати, хизматида сен ҳам борсан,
Тўйимизнинг тарқашию бошламаси,
Ўйин-кулги, зиёфати, ҳангомаси:

Бошламайди сизлар етиб келмагунча,
Сизлар келиб қур, даврамиз тўлмагунча,

Зинҳор ёлғиз келма, келгин ёринг билан,
Улфатларинг — номи дилда боринг билан.

Келсин майли, қариялар қанча бўлса,
Бир гап бўлар кўнгли учун танча бўлса...
Қошки келса Олия қиз, Аниор қизлар,
Гўзалликда юзи кундай ёнар қизлар.

Қанча келса камлик қиласи дили поклар,
Лек келмасин бадном, баҳил ё нопоклар.
Дарбоз келса бош устига, дор келмасин,
Шуҳратпаст, дилда кеки бор келмасин.

«Наво»чалик ёқтирувчи тўп сасини,
Улмай туриб ўлганилариниг барчасини
Ола келма, самони ҳам наҳс босмасин,
Тонг юлдуз сену биздан ўксимасин...

Таниширай энди сенга ҳоли борни,
Бахт-иқболи ҳам тилида боли борни
Космосга Қумара қиз — ҳинд гўзали,
Олима қиз, сўзлари ҳам кўп мазали.

У менингсиз туролмайди, мен унингсиз,
Кунларимиз хушбахт ўтар, ўтар мунгсиз...
У ҳам ёзди ўз элига «Тўй хати»ни,
Баён этиб, саодатли ҳаётини.

Айтишича, келар кўплаб ҳинд қизлари,
Тўғрироғи, қаминанинг болдизлари.
Келар эмиш яна қанча чолғучилар,
Яна қанча Венерада қолгучилар.
Яна келар қанча элдан кўз танишлар,
Укам, сенга айтсан ана шундай ишлар...

* * *

Оғанг беҳад чўзди, укам «Тўй хати»ни,
Кулмагай деб минбаъд сендай қанотини,
Ўзгаларга кўрсатмагил, кулишмасин,
Бизни эзма бўп қопти, деб билишмасин,

Тўйимизга келар барча кекса-ёшни,
Яхши-ёмон кунда бирдай елкадошни
Сўраб қўйиб, тўйга айтгил қайта-қайта
Бор иқтидор, ихлосимиз айта-айта.

Тонг юлдузи, 1990 йил

Ү И Н А С А

«Баҳор» қизларига

Сайри боғ бошланур денг, раққоса қиз ўйнаса,
Ёшлик олқишиланур денг, раққоса қиз ўйнаса,
Товус товланиш ҳам элга бағишиланур денг,
Раққоса қиз ўйнаса.

Ховуз бўйи қайрагоч, барглари майдада-майдада,
Боғсиз, баҳорсиз ерда гул қайда, булбул қайда,
Санъатига, сеҳрига ҳар ким ҳам бўлар шайдо
Раққоса қиз ўйнаса.

Саҳнага қир лоласи кўчиб келгандай бўлур,
Кўклам чоги қалдирғоч учиб келгандай бўлур,
Гўё оҳу қайлардан чўчиб келгандай бўлур
Раққоса қиз ўйнаса.

Фурсат ўтмай тун тонгга айланади шекилли,
Тонг юлдузи саҳнада товланади шекилли.
Тўп кабутар учмоққа шайланади шекилли
Раққоса қиз ўйнаса.

Гўё ой ҳам тўлишиб, кўк юзи тиник тортар,
Юлдузлар жамолига бу дилда ҳавас ортар,
Саф чеккандай чаманда гуллар ҳам турнақатор
Раққоса қиз ўйнаса.

Гулхан мисол юраклар лов-лов ёнса не ажаб,
Гулхонага ўт тушиб оловланса не ажаб.

Хира юлдуз қуёшга ҳам айланса ие ажаб,
Раққоса қиз ўйнаса.

Сайри боғ бошланур денг, раққоса қиз ўйнаса,
Ёшлик олқищланур 'денг, раққоса қиз ўйнаса,
Санъатимиз, созимиз элга бағишиланур денг,
Раққоса қиз ўйнаса.

ГУЛ САЙЛИ

«— Биз ёқда бошланди лола мавсуми,
Наврўзи оламнинг заб табассуми...
Келсанг, гул сайлига тезроқ етиб кел.
Йўлни яқин қилиб — қирдан ўтиб кел.
Лола термоқликнинг гашти бор, гашти!
Кел, сени кутади Болғали дашти!
Келсанг ўзинг келмай ёринг билан кел.
Дилкашларинг, қўлда торинг билан кел.
Кел, сенга жонимиз, лоламиз пешкаш,
Гиёҳлар ичидаги аъломиз пешкаш...»
Шул мазмунда хат олдим дўстим — тоғлиқ йигитдан.
Ўзи чўпон, йил бўйи бели боғлиқ йигитдан.
Ҳар қўзию қўйига дили боғлиқ йигитдан.
Юзи сутга чайгандай қизга қайлиқ йигитдан.
Дўмбирачи, улфати — вақти чоғлиқ йигитдан,
Шундоқ экан, жон, дея, йўлга тушмай нетай мен?
Дилда ҳаяжон билан қушдай учмай нетай мен?
Бир мен эмас, мен каби баҳорни қутловчилар,
Шеър кўйида бедорлар — саҳарни қутловчилар.
Гўзалликда лолага ғараз қилгувчи қизлар,
Гар лолага ўхшатсанг, араз қилгувчи қизлар.
Сафар тараддуудида гул сайли қилмоқ учун,
Қай бир ғазалхонлари дил сайли қилмоқ учун.

Мен ҳам шулар қатори чечак, қўзилоланинг,
Гулхайрию тун гули — тамом ўзи лоланинг —
Ҳар ғунча, ҳар баргини куйга солсам не ажаб!
Ота мерос торимни қўлга олсам не ажаб!

— Қизил лола — қут лола,
Мисоли ёқут лола.
Гул қадрини билмаслар
Қошида бекут лола.
Хой, жўғамиш, новз лола!
Кўп қилма пардоз лола.
Кўйчивонлар йўлига
Бўлгин поёндоз, лола.
Ўксима мендан яна
Сўзим беғараз, лола.

Оҳу лола, оқ лола,
Қиёси йўқ — тоқ лола.
Сипоҳлиги сабабли
Дилга ёвуқроқ лола.

Ана, сенга тоғ чечак,
Туриши бир боғ чечак.
Япрогига ёз бўйи
Туширмайди доғ чечак.

Бойчечагим, бойчечак,
Сендан афзал қай чечак?
Баҳор чоғи берасан
Дарага чирой чечак.

Туяпайпоқ бормисан,
Зарғалдоққа зормисан?
Ерга тўшаб баргингни
Кунинг ўтказармисан?

Тарғил лола — ол лола,
Ўзи бир Зуҳал лола,
Лекин холдор қизларнинг
Қошида бир хол лола...

Биз—юз чоғлиқ қиз-йигит дарани кўриб қайтдик,
Қимизликнинг бўйини сарвига йўйиб қайтдик,
Ой чиққанда қўноқлаб — кўкка туташиб қайтдик,
«Гул сайли»га чўпоннинг номини қўшиб қайтдик.

1962, Оқтоб

МЕНИ МАФТУН ҚИЛМОҚ ИСТАРСЕН...

Үйлатмаган сен эдинг, сўйлатмаган сен эдинг,
Не бир куйларга солиб куйлатмаган сен эдинг.
Бирда сайратиб, бирда бўзлатмаган сен эдинг,
Мени Мажнун қилмоқ истарсен...

Куймай десам куйдириб, ёнимай десам ёндириб,
Кузимни қиш, қишимни баҳорга айлантириб,
Бир дамда ўтга солиб, бир дамда ўртантириб,
Мени мафтун қилмоқ истарсен...

Йўлларингга кўз тутиб кўзларим толар бўлди,
Хаёлимда бир ўзинг — билмадим, нелар бўлди,
Аҳволимдан, ҳолимдан улус уялар бўлди...
Мени Мажнун қилмоқ истарсен...

Армон қолгайми менда — сен келганда кун мисол,
Сен келганда кун мисол — кўнгил ҳам бутун мисол,
Гоҳида Жайхун мисол, гоҳида Сайхун мисол
Мени мафтун қилмоқ истарсен...

Сен ўзга бир карашма, сен ўзга бир ноз билан,
Баъзида ноз аралаш ўзга бир араз билан.
Сўз бўлмаса соз билан, соз бўлмаса роз билан
Мени Мажнун қилмоқ истарсен...

Бир бора бўйниг кўрсам, вақтим чоғдай бўлади,
Боғим боғдай бўлади, кўнглим тогдай бўлади,

Бало-қазолар мейдান күп йироқдай бўлади,
Мени мафтун қилмоқ истарсен...

Сенингсиз бу оламда созим, созлигим қайда,
Олма юзлигим қайда, қора кўзлигим қайда,
Қора кўзлигим тугил ўзим, ўзлигим қайда?
Мени Мажнун қилмоқ истарсан...

КҮРГИМ КЕЛАДИ

Чаман-чаман гулзорнинг кўрки, кўркамлигини,
Юлдузларнинг саҳарлар сирли, бекамлигини,
Тўлин ойда ҳамиша ёруғлик жамлигини
Сенинг жамолингда кўргим келади.

Тоғ бўлса баланд бўлса, ер-кўкка монанд бўлса,
Кўнгилда доғ не қилсин дил-дилга пайванд бўлса.
Орзуларим эзгулик билан мудом банд бўлса
Сенинг камолингда кўргим келади.

Боғ-роғлар эпкинини авжи чилла-қишда ҳам,
Мушки ноб бўйларини тўй-ҳашам, нолишда ҳам
Субҳи содиқ елларин ўнгим эмас тушда ҳам
Шарпа-шамолингда кўргим келади.

Бўйга тўлган қизларнинг беғубор кулгуларин,
Беғубор кулгуларин — саодат белгиларин,
Табиатнинг инсонга танқис бир улгуларин
Лабдаги холингда кўргим келади.

Чўлпон пўрлоқлигидай танҳо танқис бир дамни,
Тундан йироқлигидай тугамас бир карамни,
Тунда ой, кундуз кунни — азалий ўчмас шамни
Бахту иқболингда кўргим келади.

Я РАЛМИШ

Ой юзлик десам сени ойнинг ҳам доғи бордай,
Кўркамликда жамолинг офтобдан бегубордай.
Табиатинг ҳамиша булут, дўлсиз баҳордай,
Умрингни кузи, қиши йўқлиги барқарордай.
Кунда ўйласам сени,
Тунда ўйласам сени,
Кўз ўнгимда тиниқ осмон яралмиш.

Сен пайдо бўлган боғда зоф бўлмас, хазон бўлмас,
Булбуллар навосида дард бўлмас, нолон бўлмас,
Ошиқ ҳоли танг бўлиб кўксида армон бўлмас,
Иўлчивинdek сарғайиб ранг-рўйи сомон бўлмас.
Чилла чоғи — қишида ҳам,
Бир ўнг эмас, тушда ҳам
Босган изларингда бўстон яралмиш.

Ҳар кўрганда бўйингни кўзим қамашса нетай?
Қувончларим қалбимда денгиздай тошса нетай?
Танда жоним жонингга зимдан туташса нетай?
Толеи, иқболимга бу ҳол ярашса нетай?
Бахтим, баётим учун
Порлоқ ҳаётим учун
Сен каби кўзлари Чўлпон яралмиш.

Жонимиз бу диёрга кўз-қошдай туташ асли,
Тоғу тошлари билан номимиз уйқаш асли,
Дастурхон, хирмон гапми, ўртада қуёш асли,
Бунда бирнинг бахтига барча тилакдош асли.

Суюклигим, элдошим,
Отадош, ватандошим,
Сенинг учун еру осмон яралмиш.

Ошиқлар ўз ҳолини ёзмишлар достон билан,
Ҳар томчи, ҳар бандини кўз ёши ё қон билан,
Утмасин бу оламдан ҳеч киши армон билан,
Ҳамдард бўлмасин доно турганда нодон билан,
Эл ичра номимизни,
Аҳду паймонимизни
Улуғловчи улкан достон яралмиш.

Бу элда паймол бўлган гул, гулборни кўрмадим,
Ҳеч бир кўнгил, юракда армон, доғни кўрмадим,
Ташландиқ ҳолда сўнган шамчироғни кўрмадим,
Чаманли боғли элда,
Сўнмас чироғли элда
Булбулга муносиб ошиён яралмиш.

Одамзод бу оламда тугал, камсиз яралмиш,
Бироқ кимлар карамсиз, кимлар ғамсиз яралмиш,
Ўз қадрини билмаслар дўст, ҳамдамсиз яралмиш,
Севиб, севилмаганлар, сўзсиз, шамсиз яралмиш,
Неча асрлар оша,
Бахтимизга яраша
Тимсолсиз бу қутлуг даврон яралмиш.

НОМА

(Ҳазил)

Кута-кута кўзларим толиқиб, толиб бўлди,
Ранг-рўйимни кўриб рақибим ғолиб бўлди,
Паришон бир ҳолимга улус уялиб бўлди,
Бир сизга шайдолигим элга таралиб бўлди,
Деган гапни билиб олдим номангдан.

Софиниб, соғинмоқдан паймона тўлмоқдадир,
Ишқ ўтида жигарим, бағрим қоврилмоқдадир,
Орзу-ҳавас, ўйларим кўкка соврилмоқдадир,
Дарё қундуздан, офтоб ойдан айрилмоқдадир...

Деган гапни билиб олдим номангдан.

Қиши ўтиб кўклам келди, ҳамон сиздан хабар йўқ,
Йўлингизга оламда менингдай интизор йўқ,
Сизсиз менга диловар, сизсиз менга табор йўқ,
Ҳар сўзи менинг учун мўъжиза, мўътабар йўқ,

Деган гапни билиб олдим номангдан.

Мен юрарман бир ҳолда бунда сизни ёд айлаб,
Бирларда ўз кўнглимни ёш боладай шод айлаб,
Бошига менинг куним тушганга имдод айлаб,
Бу дунёда бир сизни ўзимга дилбанд айлаб,

Деган гапни билиб олдим номангдан.

Кўнглимнинг кимдалигин юрдим кўпдан сир тутиб,
Дард ёролмай кимсага лахта-лахта қон ютиб,

Сизнингсиз еру кўкда борлигимни унутиб.
Қай кезлар табиатдан bemavrid ўлим кутиб,
Деган гапни билиб олдим номангдан.

Дебдилар, ошиқларнинг танда жони бир бўлур,
Бир-бирининг йўлига қўзи мунтазир бўлур,
Бора-бора номлари эл ичра машҳур бўлур,
Сабр туви — сайри боғ, деган бир таъбир бўлур,
Деган гапни билиб олгин номамдан.
Ва шу хатни беривордим момонгдан.

ҚАРФИШ

...Сен қизни ўкситган хароб, хор бўлсин,
Бир умр севгига интиқ, зор бўлсин.

Гулга ўхшатганди у сени бошда,
Шайдойинг бўлибоқ бир бор қарашда.
Бундай бебурдларнинг ёз тугул, қишида
Қадами етган ер тиканзор бўлсин!

Сохта эди буткул навозишлари,
Куйиб, ёнишлари, ёлворишлари.
Энди ўша лочин чоғланишлари
Оёқ ости билан баробар бўлсин!

Орадан ой ўтмай кўзларингда ёш,
Гўё еру осмон сенга қайғудош,
Қайда юрган бўлса ўша бағритош
Умри бошдан-оёқ бебаҳор бўлсин!

Мажнунтолдай эгма мағур босингни,
Бўта кўзларингдан тўкма ёшиングни,
Бир оқшомлик ўша ёстиқдошингни
Бебахтлиги тундай барқарор бўлсин!

Не бир кўргуликлар тушиб бошига,
Кўшилолмай қавму қариндошига,
Зор бўлиб қизларнинг бир қарашига
Жунун гўшасида дарбадар бўлсин!

Гулзор хазон бўлмас зоғ қўнган билан,
Вафосиз дўст бўлмас тутинган билан,
Дил яраси битмас ўртанган билан,
Йўлдоши ҳамиша хавф-хатар бўлсин!

Қайта бошдан сенга шайдойи бўлиб,
Бир оғиз сўзингни гадойи бўлиб,
Ишқингда овора, адойи бўлиб
Ора йўлда қолсин, полакор бўлсин!

Сен қизни хўрлаган хароб, хор бўлсин!
Бир умр васлингга интизор бўлсин!

МУНДАРИЖА

Бўлмаса	3
«Сирдарё сийнасиға...»	5
Бола, болажонимсан	6
Мерос	8
Айирма	10
Ўзга созни чалгулик қилма	12
Ўхшайди	14
Сандик	16
Иифлар	18
Билингай	19
Армон	21
Ўхшар	23
Ўтмоқдадир	25
Қайдадир	27
Қелтирас	29
Дарёи азим	33
«Тебратар...»	35
Сизни эслайман	36
Бир сизга сиғингайман	39
Тузоқ	41
Ишқ	43
Сулув	45
Алёр	48
Еруғ юлдуздан салом	52
Ўйнаса	57
Гул сайли	59
Мени мафтун қилмоқ истарсан	62
Кўргим келади	64
Яралмиш	65
Нома	67
Қарғиш	69

На узбекском языке
ТУРА СУЛАЙМАН (СУЛАЙМАНОВ)
Я ВАС ВСПОМНЮ...

Стихи

Редактор Ш. Раҳмон
Рассом Ф. Шокиров
Расмлар редактори А. Бобров
Техн. редактор М. Исмоилова
Корректор Ш. Собирова

ИБ № 903

Босмахонага берилди 7. 02. 80. Босишга рухсат этилди 29. 08. 80
Р. 14335. Формати 70x90 1|32. Босмахона қофози № 2. Адабий гарнитураси. Юқори босма. Шартли босма л 25 т. 2,63 Нашр л. 2,13. Тиражи 10000 Заказ № 238. Баҳоси 25 т

Гафур Фулом номидаги Адабиёт ва санъат нашриёти. Тошкент, 700129. Навоий қўчаси, 30.

Ўзбекистон ССР Нашриётлар, полиграфия ва китоб савдоси ишлари Давлат комитетининг Бекобод шаҳар босмахонасида босилди. Бекобод шаҳри, 1980.